

& uero necessarium . Et reges ibi perimi , cum intersint ,
 cum stent in acie quis miretur : Mirarer si domi sedentes
 in acie periret , prodierunt uolentes ea re fortiter oppeti-
 uerunt . Sed rebus pacatis , in ocio summo , in summa re-
 rum omnium tranquillitate , ex improviso inuadi , capti-
 uos fieri , Scytharū crudeli manu cortipi mortales , eosdē
 quē ludentes , nocte concubia dormientes , conuiuia , nu-
 ptias , & sacra celebrantes , à dirissimo Scytha uinciri , ca-
 thenatos ad seruitutem horrendam , ad quotidiana tor-
 menta plures 200 millibus rapi : adhæc stuprari uirgines ,
 uiolari uiduas , puerosque infantes (ô rē cogitatione ipsa
 formidandam) ad parietes allidi , ferro confodi , senes
 uenerandos turmarum pedibus detritos confici , matro-
 nas castissimas cathenatas & nudas trahi , multos etiam
 in proprijs domibus incendio consumi , omnia ubique
 uaſtari , crux , cædibus & sceleribus inquinari , hoc , hoc
 dolendum , hoc uerē ingemiscendum est . Hæc omnia sine
 vlo Cometa in Polonico regno vidimus accidisse .

Mors ipsa est vitæ exitus naturalis . Naturæ à cunctis
 persoluendum est . Aere nostro liberamur , cum uitam fi-
 nimus . Sed Regnorum direptiones , agrorum depopu-
 lationes , orbitas , mendicitas , ergastula , perpetuæ cathe-
 nae , contumeliæ , verbæ , narium , auricularum amputa-
 tiones , pudicitiæ sacrosanctæ iactura : hæc verè mala sunt ,
 hæc horribilia , miseranda , & cunctis hominibus formi-
 danda . Rex moritur : quid malis ? Nū filij aut hæredes mēdi-
 ci : Sēper opulentis , semper beati . Nō diu flet hæres : mul-
 ti sunt in funere atrati , sed quā pauci lachrymantes , & ferè
 omnes habitu sordidati ridentes in animo procedūt . Hæ-
 res lætior fit : ad regnum enim optatissimum accedi , ad
 gubernacula populorum tenenda manum adhibet . Eo-
 dem ipso anno nuptiæ regiæ , noui ludi , spectacula . Plau-
 sibus omnes regni anguli resonant . Sed in Scytharum
 immanium rapinis ac prædis , bone Deus , quantus quā-
 ue longus luctus : quāntæ quamue diturnæ orbitates ,
 Sydera ipsa , mediussidius , obscurari & latitare videntur .